



UNIVERSITÄTS-  
BIBLIOTHEK  
PADERBORN

**De Rebus Iaponicis, Indicis, Et Pervanis Epistolæ  
Recentiores**

**Hay, John**

**Antverpiae, 1605**

Litterarvm Exempla Regvm Iaponiorvm, Ad Gregorivm XIII. Pont. Max.  
Francisci Regis Bvngi, &c.

---

[urn:nbn:de:hbz:466:1-61204](https://nbn-resolving.org/urn:nbn:de:hbz:466:1-61204)

67  
LITTERARVM

EXEMPLA REGVM IAPONIORVM,  
AD GREGORIVM  
XIII. PONT. MAX.

FRANCISCI REGIS

BVNGI, &c.



VMMI Dei auxilio suppliciter implorato, magna cum humilitate ad Sanctitatem vestram scribere aggredior. Dominus rector cœli terręque, cuius imperium super Solem, Lunam, & stellas, ignorant mihi, & profundis immerso tenebris, claritatis suę lumen iussit splendescere, ac nostratibus præcipue populis referans arcam suę misericordię atque gemmarum, dignatus est ante annos amplius quatuor & triginta destinare in hæc Iaponis regna Patres è Societate IESV; quorum è salutari ac diuina semente, non nihil in meum quoque Dei benignitate, cecidit pectus. Quod tã insigne beneficium, aliãque multa, ô Sanctissime totius Christiani populi parens, vestrę potissimum precatiõni meritisque accepta equidem refero. Ac proinde, nisi me bella, senium, & affecta valetudo impedirent; confertem ipse me ad visenda ac veneranda sacratissima isthęc loca, ac simul obedientiam exhibens, pedes V. Sanctitatis, post pia ipsorum oscula, capiti meo super imponerem; & sanctissima vestra manu pectus meum signo Crucis muniendum curarem. Sed quoniam iis quas dixi causis impediõ, sororis meę filium D. Hieronymum Regis Fiungę filium cogitabam legare pro me. Verum quando is in præsentem longè abest, & P. Visitatoris instat profectio; D. Mantium, eius consobrinum, eodẽ nomine mittere visum est. A V. Sanctitate magni beneficii accipiã loco, si pro ea qua fungitur in terris Dei vice, meque & Christianũ hũc gregẽ, vti facit, fouere atque adiuuare perrexerit.

Relig

64  
Reliquariam thecam, per eundem P. Visitatorem à V. Sanctitati  
mihi dono transmissam, accepi libens, ac meo vertici venerabū-  
dus imposui, atque ob id V. Sanctitati gratias ago habeoque tā-  
tas, vt explicandis iis nullæ neq; linguæ neq; ora sufficiant. Non  
ero longior: quippe tum de Regni huiusce rebus, tum de me ipso  
corā ex P. Visitatore & ex D. Mantio plura cognosceat Sanctitas  
V. quā ego verè & ex animo adorans, multo cū timore ac tremo-  
re hæc litteras exaravi xj. die Ianuarij, anno post Domini ad-  
uentum, M. D. LXXXII.

*Inscriptio.*

Adorando, & cæli regis locum in terris obtinenti, magno  
& Sanctissimo Papæ.

*Subscriptio.*

Sanctissimis pedibus Beatitudinis Vestræ substratum  
Franciscus Bungi Rex.

PROTASII REGIS ARIMA-  
NORVM.

**C**VM Dei gratia demissè & humiliter hæc litteras offero  
Sanctitati V. Ante hoc biennium, qui fuit annus ab adue-  
tu Domini M. D. LXXX. per Quadragesimam, quibus maximè  
diebus pretiosa passio Domini nostri IESV Christi recolitur, in  
magnis belli tumultibus, magna mearū rerum familiarūque mea-  
perturbatione, denique in profundo gentilium tenebrarum iacē-  
ti mihi dignatus est Pater misericordiarum, lucem veritatis & re-  
ctum ad salutem iter ostendere per venerabilem Visitatorem, &  
aliosque verbi Dei prædicatores è Societate IESV, qui enixè me  
adiuuerunt, perque baptismi sacramentum, super me meosque  
diuinæ gratiæ rorem è cælo deuocarūt. Pro quo tali ac tanto be-  
neficio mirè lætus, infinitas Regi cælorum ago gratias. Cumque  
Sanctitas Vestra Christianum gregem vniuersum moderetur &  
pascat; valde mihi fuit opratum, istuc venire, coramque humi-  
litate magna cum submissione exhibere illi obedientiam; & post  
pedum oscula beatorum, eosmet meo capiti superimponere. Sed  
quoniam rebus variis impedito id mihi non licet, mitto cum eo-  
dem P. Visitatore, patruelē meum D. Michaëlem; vti pro me hoc  
munere pietatis officiique fungatur. Ex eo ipso mea vota & alia  
cognosceat V. Sanctitas: ac proinde non ero fusior. Quam ego ex  
animo

animo sincero & humili venerabundus adoro. Die 8. Ianuarii, anno post Domini aduentum, M. D. LXXXII.

*Inscriptio.*

Reddatur epistola magno illi & sancto Domino, quem adoro Dei vices gerentem.

*Subscriptio.*

Sanctitatis Vestrae substernitur calceis  
D. Protasius.

BARTOLOMAEI PRINCIPIS OMV-  
RANORVM.

**V**ereor ne crimen audaciae subeam: at tamen cum Regis ca-  
lorum gratia rudem hanc epistolam offero Sanctitati V. quae  
cum in terris locum obtineat Dei, ac simul ex ipsius doctri-  
na & magisterio Christianus populus pendeat vniuersus; aequum  
sanctum fuerat, memet maria transmittere, ipsumque ad V. Sanctita-  
tem inuisendam venire, sacrosque eius pedes post pia illorum oscu-  
la super meum caput imponere. Sed quo minus hoc fungar offi-  
cio, multae me hoc tempore prohibet causa. Nuper ad haec tam re-  
mota loca lustranda P. Visitator e Societate Iesu contendit, multis-  
que rebus pie ac laudabiliter institutis, iam nunc redit in patriam:  
qua ego tam praecleara occasione inuitatus, deesse nolui, quin fratris  
mei filium D. Michaelē cum eo mittere istuc: qui licet muneri tanto  
sit impar, tamen gratissimum fuerit mihi, si eum V. Sanctitas ad bea-  
torum pedum oscula admiserit. Interea V. Sanctitatem supplex oro ob-  
testorque; ut mei memoria conseruare, meque & Iaponios hosce Chri-  
stianos fouere dignetur. Id vnum in votis est mihi. Reliqua ex P.  
Visitatore & ipso D. Michaelē coram cognoscat Sanctitas V.  
quam ex animo adorans, cum timore scripsi. Die xxvij. Ianuarii,  
anno post Domini aduentum, M. D. LXXXII.

*Inscriptio.*

Sublatis manibus adorans offero haec Sanctissimo Domino  
Papae, magno Dei vices gerenti.

*Subscriptio.*

Ego D. Bartolomaeus sanctis eius pedibus  
humi substratus.

Tom. ij. v

Et

RECI-